

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 41. stav 6. Zakona o izvršavanju Budžeta Zeničko-dobojskog kantona za 2013. godinu («Službene novine Zeničko-dobojskog kantona», broj 19/12), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 105. sjednici, održanoj dana 28.03.2013. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva u razdjelu 23, budžetska organizacija 03, potrošačka jedinica 0001, Budžeta Zeničko-dobojskog kantona za 2013. godinu

I.

Usvaja se Program utroška namjenskih sredstava iz oblasti šumarstva, u razdjelu 23, budžetska organizacija 03, potrošačka jedinica 0001 kojim su, shodno Budžetu Zeničko-dobojskog kantona za 2013. godinu, planirana namjenska sredstva u ukupnom iznosu od 1.609.600,00 KM (slovima: milionšeststotinadevethiljdašesto konvertibilnih maraka), predviđena za tekuće rashode čuvarske službe, nabavku opreme, transfere općinama, kupovinu šuma i druga ulaganja za unapređenje šuma, a koji čini sastavni dio ovog zaključka.

II.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu – Kantonalna uprava za šumarstvo i Ministarstvo finansija, svako u okviru svojih nadležnosti.

III.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strana Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

IV.

Zaključak stupa na snagu danom donošenja.

Broj: 02-_____ /13.

Datum, 28.03.2013. godine

Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

PROGRAM

utroška namjenskih sredstava iz oblasti šumarstva za 2013.godinu

UVOD

Program utroška namjenskih sredstava iz oblasti šumarstva za 2013.godinu je, zbog nedostatka zakonskih propisa iz oblasti šumarstva u 2013.godini, sačinjen na osnovu kriterija na osnovu kojih je rađen i Program utroška namjenskih sredstava iz oblasti šumarstva za prethodnu godinu.

SVRHA PROGRAMA

Izrada Programa utroška namjenskih sredstava iz oblasti šumarstva predviđena je članom 41. stav 6. i članom 49. Zakona o izvršavanju Budžeta Zeničko-dobojskog kantona za 2013.godinu («Službene novine Zeničko-dobojskog kantona» broj 19/12), a svrha izrade Programa je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2013.godinu i za koje namjene i u kojem iznosu će isti biti utrošeni.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, planirani su u Budžetu Zeničko-dobojskog kantona za 2013.godinu u iznosu od **1.609.600,00 KM**, a čine ih sredstva planirana po osnovu slijedećih naknada :

1. Naknade za općekorisne funkcije šuma	1.198.600,00 KM
2. Naknade za obavljanje stručnih poslova u privatnim šumama	81.000,00 KM
3. Naknade za korištenje državnih šuma	40.000,00 KM
4. Naknade u postupku promjene namjene šumskog zemljišta (krčenje šuma)	50.000,00 KM
5. Sredstva za proširenu biološku reprodukciju šuma	240.000,00 KM

KRITERIJI ZA UTROŠAK SREDSTAVA I NAČIN UTROŠKA

1. Naknade za općekorisne funkcije šuma

Naknade za općekorisne funkcija šuma, plaćaju sva pravna lica koja su registrovana za obavljanje djelatnosti na teritoriji Federacije kao i dijelovi pravnih lica čije sjedište je van Federacije, a obavljaju djelatnost na teritoriji Federacije, osim korisnika državnih šuma, javnih institucija, humanitarnih organizacija, udruženja i fondacija koje ne ostvaruju dobit. Naknada iznosi 0,07% ostvarenog prihoda, a uplaćuje se tromjesečno i po završnom godišnjem računovodstvenom izvještaju u omjeru od 20% u Budžet Federacije i 80% u kantonalni budžet.

Za 2013.godinu, u Budžetu Zeničko-dobojskog kantona, prihodi po osnovu naknada za općekorisne funkcija šuma planirani su u visini od **1.198.600,00 KM**, a predviđeni su za sljedeće namjene:

- 1.1. Sufinansiranje rada čuvarske službe-tekući rashodi..... 1.138.600,00 KM
- 1.2. Nabavka opreme za čuvarsku službu..... 10.000,00 KM
- 1.3. Rekonstrukcija i investiciono održavanje..... 50.000,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 1.138.600,00 KM, namijenjena su za sljedeće izdatke:

Rb	Izdaci	KM	%
1.	Bruto plaće zaposlenih	806.200,00	70,81
2.	Naknade troškova zaposlenih	200.000,00	17,56
3.	Doprinosi poslodavca	84.700,00	7,44
4.	Izdaci za materijal i usluge	47.700,00	4,19
	Ukupno	1.138.600,00	100,00

Kako se vidi iz date tabele, najveći dio sredstava planiranih za sufinansiranje rada čuvarske službe predviđen je za bruto plaće, naknada i doprinosa poslodavca, ukupno 1.090.900,00 KM, odnosno 95,81 % planiranih sredstava.

Preostala sredstva u visini od 47.700,00 KM ili 4,19 % predviđena su za izdatke za materijal i usluge, odnosno za sufinansiranje izdataka za:

- električnu energiju i grijanje odjeljenja Uprave u iznosu od 5.900,00 KM
- poštanske, telefonske i druge komunalne usluge odjeljenja u iznosu od 9.000,00 KM

- nabavku administrativnog materijala za odjeljenja u iznosu od 6.000,00 KM
- nabavku terenske obuće za čuvare šuma, zimskih i ljetnih uniformi za novoprimitljene čuvare šuma i eventualno za zamjenu dotrajalih uniformi, planirana su sredstva u visini od 20.000,00KM
- za ugovorene usluge, odnosno za izdatke za informisanje, medicinske usluge, posebnu naknadu na dohodak za zaštitu od prirodnih i drugih nesreća i ostale usluge kao što je praktična obuka rukovanja čuvara šuma navigacionim GPS uređajima i sl. predviđena su sredstva u iznosu od 6.800,00 KM

Realizacija Programa pod tačkom 1.1. u dijelu koji se odnosi na finansiranje plaća i naknada vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih u Zakonu o javnim nabavkama i računa ispostavljenih za izvršene usluge.

1.2. Nabavka opreme

Sredstava pod tačkom 1.2. planirana u visini od 10.000,00 KM, predviđena su za nabavku opreme za novoprimitljene čuvare šuma (čekići, fotoaparati, dvogledi) i opreme koju je zbog otpisanosti potrebno zamijeniti.

Realizacija Programa pod tačkom 1.2. vršit će se. prema procedurama propisanim u Zakonu o javnim nabavkama.

1.3. Rekonstrukcija i investiciono održavanje

Sredstva pod tačkom 1.3., planirana iz naknada za općekorisne funkcije šuma u visini od 50.000,00 KM, predviđena su za finansiranje poslova nadzora nad prikupljanjem podataka za izradu šumsko privrednih osnova za državne šume, obnovu šuma od posljedica elementarnih nepogoda, prenamnoženja insekata, požara kao i za druge poslove na unapređenju šuma.

Realizacija Programa pod tačkom 1.3. vršit će se prema procedurama propisanim u Zakonu o javnim nabavkama.

Kriterij za utrošak sredstava ostvarenih po osnovu naknada za općekorisne funkcije šuma utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

2. Naknade za obavljanje stručnih poslova u privatnim šumama

Naknade za obavljanje stručnih poslova u privatnim šumama na kantonalni račun uplaćuju vlasnici privatnih šuma koji ugovorom prenose obavljanje stručnih poslova u nadležnost Kantonalnoj upravi za šumarstvo.

Prihodi po osnovu naknada za obavljanje stručnih poslova u privatnim šumama za 2013. godinu planirani su u iznosu od 81.000,00 KM, a predviđeni su za :

- 2.1. Nabavke neophodne za obavljanje
stručnih poslova u privatnim šumama 31.000,00 KM
- 2.2. Rekonstrukcija i investiciono održavanje 50.000,00 KM

2.1. U 2013. godini planirano je da se dio prihoda ostvarenih po osnovu naknada za obavljanje stručnih poslova u privatnim šumama, u visini od 31.000,00 KM usmjeri za nabavke i druge potrebe neophodne za obavljanje stručnih poslova u privatnim šumama, kao što su: nabavka potrošnog materijala potrebnog za gospodarenje u privatnim šumama tj. nabavka pločica za obilježavanje drvnih sortimenata, otpremnih iskaza, knjiga panjeva, knjiga doznake, zatim za nabavku goriva i za tekuće održavanje, tj. za troškove održavanja terenskih motornih vozila datih na korištenje odjeljenjima Kantonalne uprave za šumarstvo, kako slijedi:

- nabavka potrošnog materijala za gospodarenje
u privatnim šumama 8.000,00 KM
- nabavka goriva 18.000,00 KM
- izdaci za tekuće održavanje 5.000,00 KM

2.2. Sredstva za rekonstrukciju i investiciono održavanje, planirana iz naknada za obavljanje stručnih poslova u privatnim šumama u visini od 50.000,00 KM, predviđena su za unapređenje privatnih šuma, sufinansiranje pošumljavanja šumskog zemljišta u privatnom vlasništvu, obnovu šuma od posljedica elementarnih nepogoda, prenamnoženja insekata, zaštitu od požara i slično.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

3. Naknade za korištenje državnih šuma

Naknade za korištenje državnih šuma, na kantonalni račun uplaćuju korisnici državnih šuma, tj. šumsko-privredna društva tromjesečno i po završnom godišnjem računovodstvenom izvještaju u visini od 1% prihoda ostvarenog od drveta i nedravnih šumskih proizvoda.

Po osnovu naknada za korištenje državnih šuma u 2013. godini planirani su prihodi u visini od 40.000,00 KM, namijenjeni za :

3.1. Rekonstrukcija i investiciono održavanje 40.000,00 KM

Planirano je da se sredstva u visini od 40.000,00 KM, ostvarena po osnovu naknada za korištenje državnih šuma usmjere za podizanje, održavanje i zaštitu šuma kao i za druge aktivnosti u cilju unapređenja šuma, a realizovat će se putem kandidovanih i komisijski odobrenih projekata.

Realizacija Programa pod tačkom 3.1. zavisi od toga da li će prihodi po osnovu naknada za korištenje državnih šuma biti ostvareni u 2013. godini. Radi se o očekivanim prihodima po osnovu obaveza JP Šumsko-privredno društvo Zeničko-dobojskog kantona d.o.o. Zavidovići prema kantonalnom računu, nastalim u 2010. i 2011. godini shodno članu 47. Uredbe o šumama, koje ukupno iznose 322.792,17 KM i znatno su veće od planiranog iznosa. Međutim, zbog dosadašnjeg ponašanja Društva i zanemarivanja nastalih obaveza, u Budžetu Zeničko-dobojskog kantona za 2013. godinu, po osnovu naknada za korištenje državnih šuma, umjesto gore navedenog iznosa planirana su minimalna sredstva u visini od 40.000,00 KM.

Kriterij za utrošak sredstava ostvarenih po osnovu naknada za korištenje državnih šuma utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

4. Naknade u postupku promjene namjene šumskog zemljišta (krčenje šuma)

Naknade ostvarene u postupku promjene namjene šumskog zemljišta (krčenje šuma) mogu se koristiti samo u svrhu podizanja novih šuma i za kupovinu šuma. Naknadu po gore navedenom osnovu uplaćuje podnosilac zahtjeva za krčenje šuma i to u omjeru 40% na račun Budžeta Federacije i 60% na kantonalni račun.

Za 2013. godinu, po osnovu naknada u postupku promjene namjene šumskog zemljišta (krčenja šuma), planirani su prihodi u visini od 50.000,00 KM, namijenjeni za:

4.1. Obaveze po osnovu poreza na promet nekretnina
prenesene iz 2012. godine 5.000,00 KM

4.2. Kupovina šume i šumskog zemljišta 45.000,00 KM

Sredstva navedena pod tačkom 4.1. u visini od 5.000,00 KM planirana su za uplatu poreza na promet nekretnina tj. šume i šumskog zemljišta kupljenih u 2012.godini. Na osnovu kupoprodajnih ugovora zaključenih krajem 2012.godine, koji se odnose na kupovinu šume i šumskog zemljišta, uplata poreza na promet nekretnina je obaveza kupca tj. Ministarstva za poljoprivredu, šumarstvo i vodoprivredu Zeničko-dobojskog kantona. Međutim, zbog procedure vezane za donošenje rješenja za uplatu poreza na promet nekretnina, navedena obaveza nije mogla biti izmirena u 2012.godini i ista je prenesena u 2013.godinu.

Sredstva pod tačkom 4.2. navedena u iznosu od 45.000,00 KM, namijenjena su za kupovinu šuma i šumskog zemljišta u toku 2013.godine. Kupovina šuma i šumskog zemljišta izvršit će se na osnovu objave javnog poziva za dostavu ponuda i komisijiskog odabira najpovoljnijih ponuda.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

5. Sredstva za proširenu biološku reprodukciju šuma

U Budžetu Zeničko-dobojskog kantona za 2013.godinu, osim spomenutih, planirani su i prihodi po osnovu naknada za proširenu biološku reprodukciju šuma tj. prihodi koji se odnose na dio neizmirenih obaveza ŠPD-a za proširenu biološku reprodukciju šuma, nastalih u vrijeme primjene Zakona o šumama.

Obzirom da se radi o obavezama nastalim u vrijeme primjene Zakona o šumama, iste će se rješavati u skladu sa odredbama navedenog Zakona.

U 2013. godini, po osnovu naknada za proširenu biološku reprodukciju šuma, planirana su sredstva u visini od 240.000,00 KM, što čini samo dio neizmirenih obaveza ŠPD-a po ovom osnovu. Planirana sredstva su namijenjena za slijedeće:

5.1. Transfer za razvoj nerazvijenih dijelova općina 200.000,00 KM

5.2. Poslove obuhvaćene proširenom reprodukcijom šuma 40.000,00 KM

Na osnovu pomenutog Zakona, uplata sredstava za proširenu biološku reprodukciju šuma je obaveza kantonalnih šumsko privrednih društava. Dio sredstava ostvarenih u budžeta kantona po osnovu proširene biološke reprodukcije transferira se na račune općina i namijenjen je za razvoj nerazvijenih dijelova općine, a dio sredstava se zadržava na kantonalnom računu i usmjerava za poslove obuhvaćene proširenom reprodukcijom šuma.

Sredstva pod tačkom 5.1. planirana u visini od 200.000,00 KM, predviđena su za povrat općinama, na ime preostalih obaveza iz 2007. godine.

U toku primjene Zakona o šumama, tj. do kraja 2009. godine, Šumsko-privredno društvo Zeničko-dobojskog kantona d.o.o. Zavidovići je obaveze nastale po osnovu naknada za proširenu biološku reprodukciju izmirilo za 2006. godinu i dijelom za 2007. godinu, na osnovu čega su, za isti period, izmirene i obaveze prema općinama. Ukoliko Šumsko-privredno društvo Zeničko-dobojskog kantona d.o.o. Zavidovići, u 2013. godini, na kantonalni račun uplati sredstva za proširenu biološku reprodukciju šuma u planiranom iznosu, dio sredstava, u visini od 200.000,00 KM usmjerit će se na račune općina, na ime preostalih obaveza iz 2007. godine. I po ovo osnovu

Sredstava pod tačkom 5.2. planirana u visini od 40.000,00 KM, predviđena su za finansiranje poslova na unapređenju šuma, prema komisijski odobrenim projektima.

Realizacija iznosa planiranog pod tačkama 5.1 i 5.2., kako je već navedeno, zavisi isključivo od toga da li će Šumsko-privredno društvo Zeničko-dobojskog kantona d.o.o. Zavidovići u 2013. godini izvršiti uplatu sredstava po osnovu proširene biološke reprodukcije šuma na kantonalni račun u navedenom iznosu. I po ovom osnovu su obaveze Društva prema kantonalnom računu znatno veće od iznosa planiranog za 2013. godinu, ali zbog male vjerovatnoće da će iste u 2013. godini biti izmirene u cjelosti, planiran je dio sredstava u visini od 240.000,00 KM.

Kriterij za utrošak sredstava ostvarenih po osnovu proširene biološke reprodukcije šuma, utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

Utrošak namjenskih sredstava iskazanih u Programu odobrat će se posebnim zaključcima Vlade Zeničko-dobojskog kantona, koje će predložiti Ministarstvo za poljoprivredu, šumarstvo i vodoprivredu- Kantonalna uprava za šumarstvo, izuzev sredstava predviđenih za tekuće rashode čuvarske službe.

Ukoliko se, iz određenih razloga, namjenska sredstva predviđena Programom za 2013. godinu ne utroše u cjelosti, preostala sredstva će biti prenesena u narednu godinu.

REKAPITULACIJA - utrošak namjenskih sredstava planiran za 2013.godinu

Rb	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade za korištenje državnih šuma	Naknade od promjene namjene šumskog zemljišta (krčenja šuma)	Naknade od proširene biološke reprodukcije šuma	Ukupno planirana namjenska sredstva kol. (3+4+5+6+7)
1	2	3	4	5	6	7	8
1.	Bruto plaće	806.200,00					806.200,00
2.	Naknade troškova zaposlenim	200.000,00					200.000,00
	Tr. prevoza	100.000,00					100.000,00
	Topli obrok	100.000,00					100.000,00
3.	Doprinosi poslod.	84.700,00					84.700,00
4.	Izdaci za mater. i usluge	47.700,00	31.000,00				78.700,00
	energenti	5.900,00					5.900,00
	komunalne usluge	9.000,00					9.000,00
	nabavka materijala	26.000,00	8.000,00				34.000,00
	izdaci za gorivo	-	18.000,00				18.000,00
	tekuće održavanje	-	5.000,00				5.000,00
	ugovorene usluge	6.800,00					6.800,00
5.	Transferi općinama	-				200.000,00	200.000,00
6.	Nabavka šuma	-			50.000,00		50.000,00
7.	Nabavka opreme	10.000,00					10.000,00
8.	Rekonstrukcija i invest. održavanje	50.000,00	50.000,00	40.000,00	-	40.000,00	180.000,00
	UKUPNO (od 1 do 8)	1.198.600,00	81.000,00	40.000,00	50.000,00	240.000,00	1.609.600,00

Obradivač

Avdagić Berina

Ministar

Bojan Bošnjak